

Биз бугун мамлакатимизда эркин фуқаролик жамияти, ҳуқуқий демократик давлат барпо этар эканмиз, жадид боболаримизнинг гуманистик қарашларига таянамиз, уларнинг меросидан маънавий куч-қувват оламиз.

Шавкат МИРЗИЁЕВ



Ў'zingni angla!

Hurriyat

Mustaqil gazeta

2025-yil
22-yanvar
chorshanba
№ 3 (1430)

Gazeta 1996-yil dekabrda chiqa boshlagan * www.uzhurriyat.uz * @ gazhurriyat@mail.ru * t.me/hurriyatuz * Hurriyat gazetasi

ЖАДИДЛАР

МАҲМУДХҲҲА БЕҲБУДИЙ — БУЮК МИЛЛАТПАРВАР

Миллат онг-тафаккурини юксалтириш, уни турли ёт гоёлардан тозалаш, халқ фарзандларининг саводли ва закий бўлишларида маърифатпарвар жадидларнинг ўрни беқиёс. Улардан бири Туркистон жадидчилик ҳаракатининг асосчиси, юрт ҳурлиги ва маърифати йўлида қурбон бўлган, миллий уйғониш даври адабиётининг таниқли намояндаси сифатида илм-фан, таълим ва тарбия, адабиёт, санъат соҳаларини ривожлантириш, жаҳондаги илғор тараққиёт ютуқларини ўзлаштириш йўлида ўз ҳаётини бахш этган фидойи инсон Маҳмудхўжа Беҳбудийдир. У публицист, ношир, муҳаррир, жамоат арбоби бўлиши билан бирга XX аср бошида юртимиз тарихида гоёт мураккаб ва синовли даврда Туркистон жадидчилик ҳаракатининг асосчиси сифатида майдонга чиққан ва ҳуррият, озодлик учун бор ҳаётини, илму закосини тикиб курашган.



Туркистон халқининг миллий қаҳрамони Маҳмудхўжа Беҳбудий асарларини ёш авлод ўртасида кенг тарғиб қилиш, Ватанга муҳаббат ва садоқат руҳида тарбиялаш, унинг бебаҳо меросини кенгроқ ўрганиш мақсадида Ўзбекистон Республикаси

Президентининг 2024 йил 27 декабрдаги "Туркистон жадидлик ҳаракатининг асосчиси, атоқли адиб ва жамоат арбоби, ношир ва педагог Маҳмудхўжа Беҳбудий таваллудининг 150 йиллигини кенг нишонлаш тўғрисида"ги қарори ижросини таъмин-

лаш борасида турли кечалар, адабий-маърифий анжуманлар бўлиб ўтмоқда. Куни кеча Ўзбекистон Касаба уюшмалари Федерацияси саройида Ўзбекистон Журналистика ва оммавий коммуникациялар университети ва қатор ташкилот-

лар ҳамкорлигида "Жадидлар ва Маҳмудхўжа Беҳбудий меросини ўрганишдаги янги ёндашувлар" мавзусидаги халқаро илмий-амалий конференция бўлиб ўтди. Унда таниқли давлат ва жамоат арбоблари, дипломатик корпус вакиллари, маданият ходимлари,

зиёлилар, шоир ва ёзувчилар, журналистлар, санъаткорлар, ижодкор ёшлар, адабиёт илм-адабиёт факультетлари ва оммавий ахборот воситалари вакиллари иштирок этишди.

7-6

ФАОЛИЯТ

РЕНЕССАНС ТАЪЛИМ УНИВЕРСИТЕТИ ЮКСАК МАРРАЛАРНИ КЎЗЛАГАН



"Тараққиётнинг тамал тоши ҳам, мамлакатни кудратли, миллатни буюк қиладиган куч ҳам бу — илм-фан, таълим ва тарбиядир. Эртанги кунимиз, Ватанимизнинг ёруғ истиқболи, биринчи навбатда, таълим тизими ва фарзандларимизга бераётган тарбиямиз билан чамбарчас боғлиқ".
Шавкат МИРЗИЁЕВ

Мамлакатимиз ижтимоий-иқтисодий ҳаётининг барча жабҳаларида олиб борилаётган ислохотлар орқали Учинчи Ренессанс даврининг пойдевори яратилмоқда. Бу борада олиқ таълим муассасалари педагог кадрларининг касбий салоҳиятини шакллантириш ва янада ривожлантириш, фанларни ўқитишнинг замонавий методикаларини ўзлаштириш орқали жойларда таълим сифатини ошириш муҳим аҳамият касб этмоқда. Таълим сифати ва самарадорлиги унда фаолият юритувчиларнинг илмий салоҳияти билан чамбарчас боғлиқ бўлиб, юқори малакали, рақобатбардош, жаҳон андозалари талабларига жавоб берадиган мутахассислар тайёрлаш ҳамда илм-фан ривожини янги bosқичга олиб чиқиш давлат сиёсати даражасига кўтарилди.



6-6



ШИНЖОН: УЗУМИНИ ЕНГ, БОҒИНИ СЎРАНГ

Шинжон Уйғур автаном районининг денгиз сатҳидан 159 метр пастида жойлашган, улкан қозонни эслатувчи Турфон шаҳри. Сув тақчил, ёз чилласида ҳарорат +60 даражага етади. Шу жойда одамлар узум етиштиради.



4-6

УЙҒОҚ СЎЗ

Маҳмудхўжа БЕҲБУДИЙ

ЗАМОНА ҲАР КУНИ ЯНГИЛАШУР

Замона ҳар куни янгилашур. Янги илм ва янги фикрлар ва фунуни замониани дарбар (ўзида сақлаган, ташувчи) қилган одамларни талаб қилур.

Бовурлар! Билинги, ҳозирда Туркистондаги барча халқлар учун мухторият эълон қилинди ва сиз билинги, ҳақ олинур, берилмас. Инчунин, мухторият-да олинур, берилмас... Биз бўшлиқ қилсак ва Туркистондаги халқлар бирлашиб, мухторият йўлига сазй қилмасак, албатта, ҳозирги қоғоз устидаги мухториятимизни ҳам йўқ қилурлар...

Муаллим ила муҳаррир миллатнинг икки кўлидир.



МУРОЖААТ НЕГА РАД ЭТИЛДИ?

Пасурхи — қадимий ва тарихий ном. Бироқ у ердаги "Фидокор" кўчаси нега "Фидокор" бўлгани ва бу ном қандай пайдо бўлгани, ушбу маҳалла билан қандай боғлиқлик томони борлигини қишлоқ аҳли ҳам, кўча номини ўзгартиришга қарши маҳкама мутасаддилари ҳам билишадими?

3-6

ФАХР

Ўзбекистон Республикаси Қуролли Кучлари ташкил топганлигининг 33 йиллиги ҳамда 14 январь — Ватан ҳимоячилари куни муносабати билан бўлиб ўтган ҳарбий муассасалар ўртасидаги мусобақада Жануби-Ғарбий махсус ҳарбий округи Ўзбекистон Республикаси Президенти, Қуролли Кучлар Олий Бош Қўмондони томонидан таъсис этилган "Амир Темур жанговар байроғи" билан тақдирланди.



Амир Темур жанговар байроғи

Юртбошим фармони бу,
Бу — Жанговар байроғи!
Ҳилпирайди улуғвор —
Шаҳри Кешининг армони!

Жасорат, матонатнинг
Тимсолидир бу ялов!
Ватан посбонларининг
Маёғи, ял-ял олов!

Жанговар қадам ташлаб,
Ҳарбийлар келар мағрур.
Қашқадарё аҳлига
Бу байроқ фахр, ғурур!

Юртбошим ишончини
Оқлар зобит-аскарлар!
Сурхону Қашқадарё,
Бухоролик навкарлар!

Ватан биттадир, Ватан,
Шону шавкат яғона!
Биз халқ бўлсак, о, халқим,
Қадам кўймас бегона!

Темур туғросини биз
Кўтаргаймиз бошларда.
Ғурурли халқ ҳеч ўлмас,
Матонат, бардошларда.

Амир Темурнинг қони —
Шиддат томиримизда.
Ватан — она, Ватан — ёр
Номусу оримизда...

Уч қитъани забт этган
Ўша байроқ — бу байроқ!
Баланд-баланд ҳилпирар,
Бой борми биздан бойроқ?!

Юртбошим фармони бу,
Бу — Жанговар байроғи —
Амир Темур байроғи!
Соҳибқирон байроғи!..

Ғулум ЭГАМШУКУР

